

Aruba a caba di introduci reglanan adicional cu no por habri caha ora di entierro


ORANJESTAD (AAN): Crisis Team ta informa tocante e Protocol Nacional di entierro den temporada di Covid-19. E protocol Nacional ta basa riba puntonan di salida di World Health Organization y RIVM, teniendo cuenta cu e situacion y tradicionnan di Aruba, y cu presencia di varios variante di Covid-19 actualmente na Aruba.

Esey ta pone cu e maneho na Aruba mester ta mas cauteloso cu por ehempel Curacao of Bonaire, pa

proteccion di nos ciudadanonan.

Despues cu a ricibi informenan di inconsistencia den ehecucion di e maneho entre agencianan funeraria na Aruba, Crisis Team a reuni siman pasa cu e agencianan funeraria di Aruba, Aurora Funeral Home, Ad Patres y Olive Tree, y a confirma e protocol y reglanan aplicable na tur entierro den temporada di Covid-19.

Tambe e reglanan adicional aplicable den caso cu un persona cu fayese tabata tin



Covid-19 na momento cu el'a fayese. Siguiementemente

e reglanan aki a worde ratifica den Crisis Team y pues ta reglanan estables cu tur funeraria mester tene nan mes na dje.

REGLA PA TUR ENTIERO:

- (1) Mester usa tapaboca na tur momento.
- (2) No por hiba e fayesido cas pa tuma despedida.
- (3) No por duna man, brasa, of sunchi.
- (4) Maximo 25 persona por ta den e mesun lugar na mes momento, y mester tene distancia di por lo menos 1,5 meter.
- (5) Cuminda of bebida no ta permiti.
- (6) Si bo ta sinti malo, no atende un entierro.
- (7) Miembronan di famia cu ta den isolacion of cuarentena, no por acudi na e entierro; pa mayornan, yiuunan y rumannan cu ta den isolacion of cuarentena, por regla un otro momento pa despedi atraves di e funeraria na autoridadnan competente.

E reglanan aki ta vigente desde 18 september 2020, y ta publica desde e fecha ey riba website di DVG.

E reglanan aki ta aplicable den tur entierro durante temporada di Covid-19, tanto si e persona a fayese cu Covid-19, como si e persona no a fayece cu Covid-19.

REGLA ADICIONAL PA TUR ENTIERO DEN CASO DI COVID19

Den caso cu e persona cu fayese tabata tin Covid-19 na momento cu el'a fayese, tin reglanan adicional aplicable. No ta haci diferencia si e persona a fayese di Covid-19 of di algo otro, por ehempel un accidente di auto of problema di salud, den caso cu e persona cu fayese tabata tin Covid-19 na momento cu el'a fayese, mester aplica mas precaucion. E regla adicional ta

(8) No por habri caha durante entierro.

En bista cu na Aruba tin actualmente varios variante di e Covid-19 virus presente, y en bista cu nos no conose tur aspecto di e variantenan ainda, Crisis Team ta aplica extra cautela pa asina protehe ciudadanonan di pais Aruba, y pa preveni contagio mas tanto posibel.

Tur agencia funeraria a aproba e procedura aki, y BeleidsTeam di CrisisTeam a establece e maneho aki den cuadro di Covid-19. Crisis Team lo sigui evalua e desaroyo y e maneho riba base regular y lo anuncia na momento cu tin cambio.



**Coronavirus
COVID-19**



COVID-19

SIGUI PREVENI



**Laba man
frecuentemente**



**Tosa of niester
usa bo elleboog**




**No mishi cu bo
cara!**



**Limpia y
desinfecta bo
area di trabou
constantemente**



No duna man!



**Distancia social di
minimo 1.5 meter
entre e personal
y/of personal y
bishitantenan.**

BO SALUD Y DI HENTER ARUBA TA DEN BO MAN

DIARIO



**Mondmasker
ta obligatorio
den tur lugar!!!**